

文集

上

世補齋醫書之一

文集

上海中醫書局印行

序一

醫家之有傷寒論。猶儒家之有論語也。日月江河。萬古不廢。自夫人不讀傷寒論。於是臨病則不達其原。立方則不達其變。執方予病。強病就藥。余服官南北所見所聞。如一轍已。仲景傷寒方。本不獨治傷寒。而以治凡傷寒者之證。金匱之治雜病。與傷寒論本是一書。故傷寒之六經。卽雜病之六經。病雖百變。經則有常。一病一名。治有主方。一病數證。證有主藥。若置六經不講。烏足以臨病人哉。乃今之醫。輒曰。時有古今之異。古方不治今病。噫嘻。古今誠有異。而天之五運六氣。人之五藏六府。亦有古今之異乎。夫治病之法。泥古者非。蔑古者尤非。竊嘗取神農本經之言。以讀仲景書。彙集名論。都爲一編。欲以破時人之局。丙寅冬月。典樞之眾。始鐫版焉。吾鄉陸君九芝。遂於醫學。曩在里門。曾出其所著醫論若干篇見示。亦以表章仲景爲事。以仲景六經爲歸。誠先得我心者矣。今夏入都。獲讀世補齋全書。會余拜命持節江右。卽日遄行。未遑卒業。所願讀是書者。自此復知有南陽。而不迷於所向。謂非吾道之幸乎。君夙以文學名。讀書日以寸計。食古而能化。尤善索解於無字句處。活人之術。其緒餘耳。而病者遇之。輕病不知其何以已也。重病不知其何以活也。則其爲陰陽大矣。哲嗣鳳石。以甲戌魁天下。良醫之食報於天者何如。并書其事爲後學勸云。

光緒八年壬午秋九月同里韓園居士潘霽

古云。宰相須用讀書人。余謂斯言也。亦可通於醫。世固未有不讀書。不通古方。而能爲醫者也。仲景以傷寒論師表萬世。施諸今病。無不合者。乃今之人。不明其義。因而不用其方。而又恐有議其後者。乃託古方不治今病之說。以爲便。善夫。鄉先輩靈胎徐氏之言曰。天地猶是天地。人物猶是人物。若人氣薄。則物性亦薄。豈有人今

而樂獨古者。嘗執是以求當世。而知者蓋寡。我友元和陸君九芝。奉其尊甫方山先生庭誥。既承家學。又洞見時俗之弊。凡所施治。悉本仲景方意。嘗曰。如仲景方而不可用。則病人豈容我以嘗試者。何以用之一人而效。用之人人而無不效。且何以彼之不用仲景方者。曾不開一效也。吾既用之而效矣。用之而屢效矣。則吾豈能舍吾效者不用。而用彼之不效者耶。夫病者何所求。不過求其效耳。然不用仲景方而效不至。則人何樂乎不用仲景方哉。君之書以表章仲景爲事。出卽以仲景方活人。語有之陰德耳。鳴。吾知後必有食其報者。以余交君久。屬爲序。爰舉平日所緒聞者。弁其端。抑恐未足以知君之深矣。

同治六年丁卯春二月吳江愚弟費延釐

往嘗見楊君謙蘇。談紀金華戴原禮。學醫於朱彥修。盡得其傳。以其術游吳下。吳人之以病謁者。戶爲塞。王仲光時爲儒。未知醫也。慕而造焉。諮學醫之道。原禮曰。熟讀素問耳。仲光退而習之三年。原禮復來。吳聞仲光談論大駭。自以爲不如。余以是知學醫而不通素問。不可以爲醫。我友陸君九芝。其先世以科第顯。而皆能醫。皆讀素問。九芝復用志不紛。慨世之醫。絕不從事於斯。詭言素問古書。不治今病。而醫學遂以大壞。乃盡棄其他所學。而獨於無方之書。得其言以治人。咸豐己未。涇陽張文毅公督兵皖江。軍書旁午。以涇熱遺疾。羣醫震驚。不能療。九芝故出公門下。飛騎千里。招致軍中。進數劑。立瘥。文毅德之。優禮而歸。今中丞太康劉公。於辛酉令上海時。得結胸證。以時方元參地麥。瀕於危。九芝脈之。貢以朴枳輩數服。乃解。今人賴君之明如此。君與時相反耶。抑時與君相反也。今與余同客峯泖間。命長子開騏從君游。嗟乎。吳中醫學失墜久矣。九芝獨能具堅忍之力。爲斯道作干城。余見其所讀皆古書。而治無不效。效無不速。其熟讀素問之驗。誠有如原禮所言者。吾吳醫學。其將自君而復興乎。君方著書未分卷。他日必裒然成大集。預書之爲左券焉。

同治五年丙寅孟春之月同里愚弟袁蘭升

序二

蓋聞醫者意也。亦理也。古人之醫理高深。推其理。卽足以達其意。今人不知其意。用其意。強附於其理。此今醫之所以去古日遠也。自丹溪東垣諸君出。有偏於補陽者。有偏於補陰者。未始不偶效於一時。赫赫然稱名醫矣。而仲景爲醫中之聖。反因之而晦。豈果能駕仲景而上哉。蓋若人者。非不知仲景之於醫。有百世不易之烈。特恐永守其傳。則己道弗顯。故別樹一幟。新人耳目。則凡師其學者。亦惟知新說是從而已。嗚呼。醫道凌夷。至此其弊可勝言乎。乃天以好生爲德。欲使斯人盡登仁壽之域。於是我

九芝先生應運以生焉。先生本通儒。而好醫。以表彰仲景爲己任。著有世補齋醫書。娓娓數萬言。其功於仲景者甚大。其使天下之人。復知仲景之醫。不致爲他醫所誤者。其功尤大也。今年春（保）病溫。羣醫束手。先生以大承氣湯下之一藥而霍然。（保）年七十矣。樞荅苦寒也。朴黃峻下也。乃力排衆議。毅然行之。非有真知灼見。不惑於補陰補陽之說者。曷能若此。故（保）曰。仲景醫中之聖。先生醫中之賢。以佐聖者也。至於推五運之轉移。論六經之本始。則願與讀先生書者互相考鏡。庶幾仰窺先生之道於萬一焉可。

光緒丙戌秋九月望後三日愚姪崇保頓首拜撰

前

集

上海中醫書局發行

世補齋醫書自序

世補齋醫書。江左下工。爲醫學辨誤作也。下工之從事刀圭者。三十年於茲矣。知一病有一病當用之藥。卽有一病不當用之藥。用所當用。不過不誤而已。若用所不當用。則豈僅誤焉已哉。凡人有病。但能不誤於前。則後此之漸。卽於危者。本皆可以不作。反是。則一誤再誤。變幻無極。不旬日間。馴至於不可救。而能知病之本。不若是者。其誰也。卽如風寒溫熱等治。所昭揭於仲景書中者。非皆今病所當用之藥乎。乃一不用當用。藥而身熱不退矣。然猶未至於斑疹也。再不用當用。藥而斑疹不達矣。然猶未至於昏譫也。再不用當用。藥而昏沈而譫妄而狂而厥。無不計日可待。而後此則不可問矣。當夫表熱初起。裏熱漸壯。一路由輕而重。由重而危。藥與病反。病隨藥變者。無他用所不當用之藥。正如救人之飢。解衣衣之。而飢者不生。救人之寒。推食食之。而寒者仍死。明明有當用藥在。人人可賴以用者。乃必用此不當用之藥。而預決其死。及其既死於不當用之藥。而必仍用此藥以治他人。一若舍此別無可用之藥也者。此固何爲者耶。下工治之於其表熱初萌。有當用藥。而斑疹可不作也。於其斑疹已釀。有當用藥。而昏譫可不作也。於其神昏譫妄。有當用藥。而後此之入陽則狂。入陰則厥者。尙可以不作也。此無他用所當用之藥。亦惟知其飢也。而推食食之。知其寒也。而解衣衣之。有此病。卽有此藥。亦非此藥。不去此病。既鍼芥之相投。自毫釐之不爽。其輕者可安常而處順。其重者亦轉危而爲安。夫是之謂藥與病投。病與藥值。苟能是。是亦足矣。此外如瘥之寒熱往來。痢之裏急後重。欬逆痰飲之本。非怯證。而勢必成怯。嘔血失精之本。非勞病。而勢必成勞。又若因壅而喘。一補立危。因滯之脹。非攻必殆。以及婦科胎產兩門。兒科驚疳兩證。病有必當用之藥。卽病。病有必不當用之藥。略舉數端。以概其餘。無非誤不誤兩途。而

已嗟乎。父母之爲子也。子之爲父母也。兄若弟之各相爲也。夫之爲婦。婦之爲夫也。牀有病人。急而求藥。病家之屬望於醫者何如。此王叔和所以錄對病真方。而防世急也。夫。

弁言

陸丈九芝。闢鑽醫學。惑俗醫不明古訓。詰屈難讀。束閣不觀。甚者又竄易篇第。損改舊文。使軒岐古書。癡顛遍體。二千年來。幾至隊列。因鑽成內經。難字音義一卷。爬梳理董。於形聲通假之故。塙有會心。如素問四氣調神大論。腎氣獨沈。據周禮壺涿氏先鄭注。謂獨濁古通。平人氣象論。前曲後居。據漢書邳都傳。注謂居與倨同。刺腰痛論。至頭几几然。據說文。言几讀若殊。痿論主閏宗筋。據徐楚金繫傳。閏之言。攔謂閏當作煩攔解。凡此諸條。皆極審諦。非王冰舊釋所能及。然則先生殆醫經之陸元朗乎。

光緒十年倉龍甲申相月世愚姪長洲玉頌蔚

略例

杜詩讀書難字過卽淵明不求甚解之意其借書卷適情遣興者固無不可若醫家言則一字一病一字一治法學者每苦內經有難字置而弗讀則所失多矣故摘其字之難者釋之其有字本非難而音義別者亦釋之如魏張揖難字仍收詁訓臧獲之類

靈樞之名始見宋史藝文志唐以前稱針經其文具見晉皇甫謐甲乙經內非僞書也明道藏本稱內經靈樞內經素問今仍之

素問諸篇所引經曰皆靈樞文又離合真邪論明言余聞九針九篇夫子曰而九之九九八十一篇余盡通其意矣據此則靈樞自當居素問之前

靈樞有宋時史崧音釋太簡素問有林校王注其所音釋亦略今合兩經並釋之而加詳焉

馬蒔張志聰黃元御輩注釋靈素盡將古字改從今字如臆作焦梁作梁蠶蠶作衝衝之類黃氏且改削字句移前掇後不一而足是皆不可依據今所釋悉從舊本

反切悉用廣韻以歸畫一廣韻所無兼取他韻

引古注以證字義不拘前後如空孔也漢書注已三見今取後漢書章帝紀注此類甚多但求易辨非遺前而取後也

每篇各標內經原次於上摘字爲音慮有相亂或連上下二三字或錄全句便檢尋也

字已見於靈樞者於素問不再出字已見於前篇者於後篇不再出若前後篇音義各別者則兩出之應釋之字必從其朔然或所釋已非初見雖屢易稿仍恐不免閱者諒焉

世
補
齋
醫
書

文
集

第
一
段

文

集

上海中國書局發行

世補齋醫書前集

總目

文十六卷

傷寒論陽明病釋四卷

內經運氣病釋九卷（附內經遺篇病釋一卷）

內經運氣表一卷

內經難字音義一卷

不謝方一卷

計六種共三十三卷

前

集

上海中醫書局發行

世補齋醫書目錄

世補齋醫書

目錄

文一

補後漢書張機傳

六氣大司天下篇（附三元甲子攷）

六氣大司天上篇

文二

傷寒有五論一

傷寒有五論二

傷寒有五論三

傷寒方論一

傷寒方論二

傷寒方論三

傷寒去實論

傷寒補虛論

傷寒論六經提綱

傷寒論脉法

文三

太陽寒水病方說

陽明燥金病方說

少陽相火病方說

太陰溼土病方說

少陰君火病方說

厥陰風木病方說

附傷寒論溫清三法選方

傷寒方一兩準今七分六釐一升準今六勺七抄說

文四

太陽用桂麻二湯法

太陽陽明用青龍白虎法

少陽用小柴胡法

少陰咽痛吐利寒熱辨

厥陰熱利寒利辨

太陽病桂麻青龍三級說

陽明府用承氣法

太陰陽明虛實辨

厥陰熱厥寒厥辨

文五

葛根桂枝辨

犀角升麻辨一

犀角升麻辨三

犀角膏黃辨二

葛根黃連黃芩湯解

附子補陽人參補陰說

葛根麻黃辨

犀角升麻辨二

犀角膏黃辨一

犀角膏黃辨三

真武四逆白通通脈四方合解

文六

溫熱病說一

溫熱病說三

瘟疫病說一

溫熱病說二

附溫熱病選方

瘟疫病說二